



O'ZBEKİSTON RESPUBLİKASI PREZİDENTİ ADMINİSTRATİSYASI HUZURİDAGI
AXBOROT VA OMMAVIY KOMMUNİKATSIYALAR AGENTLİĞİ
BUYRUG'I

2024yil "05" aprel

No 77

**O'zbekiston Respublikasi Prezidenti Administratsiyasi huzuridagi
Axborot va ommaviy kommunikatsiyalar agentligida davlat xaridlarini amalga
oshirish tartibi to'g'risida Nizomni tasdiqlash haqida**

O'zbekiston Respublikasining "Davlat xaridlari to'g'risida"gi Qonuni (keyingi o'rnlarda – Qonun), O'zbekiston Respublikasi Prezidentining "Davlat xaridlari tizimini yanada takomillashtirish va davlat xaridlari jarayoniga tadbirkorlik subyektlarini keng jalb qilish chora-tadbirlari to'g'risida" 2019-yil 5-dekabrdagi PQ-4544-son qarori hamda Vazirlar Mahkamasining 2022-yil 20-maydagi "Davlat xaridlari amalga oshirish bilan bog'liq tartib-taomillarni tashkil etish va o'tkazish tartibi to'g'risidagi Nizomni tasdiqlash haqida"gi 276-son qarori ijrosini ta'minlash yuzasidan namunaviy hujjatlar asosida ishlab chiqilgan lokal normativ hujjatlarni tasdiqlash maqsadida, **buyuraman**:

1. O'zbekiston Respublikasi Prezidenti Administratsiyasi huzuridagi Axborot va ommaviy kommunikatsiyalar agentligida davlat xaridlarini amalga oshirish tartibi to'g'risidagi Nizom (keyingi o'rnlarda – Nizom) 1-ilovaga muvofiq tasdiqlansin.

2. Xarid komissiyasi a'zolariga, O'zbekiston Respublikasining "Davlat xaridlari to'g'risida"gi Qonuni, O'zbekiston Respublikasi Prezidentining "Davlat xaridlari tizimini yanada takomillashtirish va davlat xaridlari jarayoniga tadbirkorlik subyektlarini keng jalb qilish chora-tadbirlari to'g'risida" 2019-yil 5-dekabrdagi PQ-4544-son qarori va Vazirlar Mahkamasining 2022-yil 20-maydagi "Davlat xaridlari amalga oshirish bilan bog'liq tartib-taomillarni tashkil etish va o'tkazish tartibi to'g'risidagi Nizomni tasdiqlash haqida"gi 276-son qarori hamda mazkur buyruqning 1-ilovasi bilan tasdiqlangan Nizomda belgilangan tartib asosida ish yuritish vazifalari yuklatilsin.

3. Agentlikning 2022-yil 30-maydagi 113-son buyrug'i o'z kuchini yo'qotgan, deb hisoblansin.

4. Umumiy bo'lim (N.Usmanov) mazkur buyruq nusxasini Agentlikning tegishli tarkibiy bo'linmalariga yetkazsin.

5. Mazkur buyruq ijrosini nazorat qilishni o'z zimmamda qoldiraman.

Direktor

A.Xodjayev

Kiritdi:

Davlat xaridlari va ta'minot xizmati

[Signature]

Q.Djalilov

Kelishildi:

Direktorning birinchi o‘rinbosari

[Signature]

D.Saidjonov

Direktor o‘rinbosari

B. Ommir G. Bozorov

Direktor maslahatchi

I.Abdiev

Hogek

Buxgalteriya hisobi va reja-moliya faoliyati bo‘limi

 Sh. Erkaboyev

Yuridik bo‘limi

Sh.Axtamov

Umumiy bo‘lim

N. Usmanov

Axborot va ommaviy kommunikatsiyalar agentligining 2024-yil 05 apreldagi
77-sonli buyrug‘iga
1-ilova

**O‘zbekiston Respublikasi Prezidenti Administratsiyasi huzuridagi Axborot va
ommaviy kommunikatsiyalar agentligining davlat xaridlarini amalga oshirish
bilan bog‘liq tartib-taomillarni tashkil etish va o‘tkazish tartibi to‘g‘risida
NIZOM**

1-bob. Umumiy qoidalar

1. Ushbu Nizom O‘zbekiston Respublikasi Prezidenti Administratsiyasi huzuridagi Axborot va ommaviy kommunikatsiyalar agentligida (keyingi o‘rinlarda – Agentlik, deb yuritiladi) tanlov (tender) o‘tkazish bo‘yicha xarid komissiyasining (keyingi o‘rinlarda – “Xarid komissiyasi”, deb yuritiladi) vazifalari, funksiyalari, huquqlari, javobgarligi va faoliyatini tashkil etish tartibini belgilab beradi.

Ushbu Nizom bilan tartibga solinmagan holatlar O‘zbekiston Respublikasining amaldagi qonun hujjatlariga muvofiq amalga oshiriladi.

2. Xarid komissiyasi xarid qilish tartib-taomillari g‘olibini tanlash to‘g‘risidagi qarorlar qabul qilish vakolatiga ega bo‘lgan kollegial organdir.

Xarid komissiyasi ishining asosiy maqsadi ishtirokchilarning takliflarini buyurtmaga muvofiqlik darajasi bo‘yicha xolis baholashdan va tartibga solishdan hamda davlat xaridlari raqobatlashuv usullari orqali amalga oshirilganda g‘olibni (g‘oliblarni) tanlashdan iborat.

3. Xarid komissiyasi doimiy faoliyat ko‘rsatadi hamda Agentlikning tegishli buyrug‘i bilan shakllantiriladi va tarqatib yuboriladi.

4. Xarid komissiyasi o‘z faoliyatida O‘zbekiston Respublikasining Konstitutsiyasi, qonunlari, O‘zbekiston Respublikasi Oliy Majlisi palatalari qarorlari, O‘zbekiston Respublikasi Prezidentining farmonlari, qarorlari va farmoyishlari, Vazirlar Mahkamasining qaror va farmoyishlari, boshqa qonun hujjatlari, Agentlik buyruqlari, direktor topshiriqlari hamda ushbu Nizomga amal qiladi.

5. Xarid qilish tartib-taomillari:

xaridlar xo‘jalik faoliyati doirasida o‘tkazilganda Xarid komissiyasi davlat buyurtmachisining vakillari orasidan, zarur bo‘lgan taqdirda ovoz berish huquqiga ega ekspertlarni jalb etgan holda, shakllantiriladi;

loyiha ayrim faoliyatlar doirasida o‘tkazilganda Xarid komissiyasi vazifalarini belgilangan tartibda tashkil etiladigan “loyihani amalga oshiruvchi guruh” bajaradi, xarid qilish tartib-taomillarini o‘tkazish natijalari to‘g‘risida qarorlar qabul qilinadi.

2-bob. Xarid komissiyasining asosiy vazifalari

6. Xarid komissiyasining asosiy vazifalari quyidagilardan iborat:
tanlov (tender) hujjatlarini kelishish;
takliflar qabul qilinadigan muddatlarni belgilash;
takliflarni ochish tartib-taomillarini belgilash;
takliflarni baholash mezonlarini belgilash va unga asosan baholash;

taklif kiritish tartibini, hajmini va uni ta'minlash shaklini belgilash;
tanlov ishtirokchilarining takliflarini ochish;
tanlov (tender) hujjatlari shartlarida nazarda tutilgan hollarda malaka tanlovini o'tkazish;

xarid qilish tartib-taomillarini qonun hujjatlariga muvofiq amalga oshirish;
xarid qilish tartib-taomillarining raqobatlashuv turlari, ijrochisi va zaxira ijrochisini belgilash yoki savdoni amalga oshmagan deb topish.

Xarid komissiyasi qonun hujjatlari va ushbu Nizom talablaridan kelib chiqib, boshqa vazifalarni ham bajarishi mumkin.

7. Xarid komissiyasi tanlov ishtirokchilari to'g'risidagi quyidagi ma'lumotlarni o'rghanadi:

tanlov ishtirokchisining ta'sis hujjatlari va shartnomada tuzish vakolatini tahlil qiladi;

soliq va boshqa majburiy to'lovlari bo'yicha qarzdarlik mavjud emasligini tekshiradi;

tanlov ishtirokchisiga nisbatan bankrotlik tartib-taomillari joriy etilmaganligini o'rghanadi;

tanlov ishtirokchisi haqida Insofsiz ijrochilar yagona reestrda yozuv mavjud emasligini aniqlaydi;

axborotlarning ochiq manbalarida ehtimoli bo'lgan korrupsiyaga oid huquqbazarlik haqida ma'lumotlar mavjud emasligi aniqlaydi;

tanlov ishtirokchisining rasmiy veb-saytidagi ma'lumotlarni tahlil qiladi;

Agentlikning tanlov ishtirokchisi bilan o'zaro hamkorligi tarixini o'rghanadi;

tanlov ishtirokchilarida shartnomani bajarish uchun zarur texnik, moliyaviy, moddiy, kadrlarga oid va boshqa resurslar mavjudligini tahlil qiladi.

manfaatlar to'qnashuvi mavjudligini o'rghanadi;

tanlov ishtirokchisi tomonidan sodir etilgan korrupsiyaga oid huquqbazarliklar haqida ma'lumotlarni o'rghanadi;

korrupsiyaga qarshi hujjatlarini tekshiradi (agar mavjud bo'lsa, taqdim etilgan yoki saytdagi).

Mazkur yo'naliishlar bo'yicha tanlov ishtirokchilari to'g'risidagi ma'lumotlarni o'rghanishda Agentlikda davlat xaridlarini amalga oshirish doirasida xarid qilish tartib-taomillari bo'yicha yo'riqnomaga amalga qiladi.

3-bob. Xarid komissiyasi ishini tashkil qilish

8. Davlat xaridlarini tanlov (tender) orqali amalga oshirish jarayonida kamida to'qqiz nafar a'zodan iborat tarkibda komissiya tuziladi.

Qonunchilikda boshqacha holatlar nazarda tutilmagan bo'lsa, Xarid komissiyasining tarkibi boshqaruv xodimlaridan tashkil etiladi.

9. Xarid komissiyasi toq sonli a'zolardan iborat bo'ladi, uning a'zolari tarkibi va soni xarid qilish tartib-taomilining turiga bog'liq bo'ladi hamda olinayotgan tovarning (ishning, xizmatning) xususiyatlari inobatga olingan holda o'zgartirilishi mumkin.

10. Xarid komissiyasining ishiga rais rahbarlik qiladi, u Xarid komissiyasi majlislarini chaqiradi va olib boradi, ovozga qo'yadi va Xarid komissiyasi tomonidan qabul qilingan qarorlarni e'lon qiladi, shuningdek xarid komissiyasi majlislarining bayonnomalarini imzolaydi.

Tanlov (tender) o'tkazish jarayoni Xarid komissiyasi raisi yoki kelishuvga ko'ra rais o'rinosarlaridan birining rahbarligida va ishtirokida o'tkazilishi mumkin.

Xarid komissiyasiga Raislik qiluvchi quyidagi vakolatlarga ega:

Xarid komissiyasi majlislarini chaqirish va majlis kun tartibini belgilash;

Xarid komissiyasi qabul qilgan qarorlar bajarilishini nazorat qilishni tashkil etish;

Xarid komissiya a'zolari tomonidan o'z zimmalariga yuklatigan vazifalar bajarilishini muvofiqlashtirish;

Xarid komissiya a'zolari faoliyatini nazorat qilish;

Xarid komissiyasi samarali ishlashi uchun zarur bo'ladigan boshqa choralarni ko'rish.

11. Xarid komissiyasining majlisini rais yoki kelishuvga ko'ra uning o'rinosari olib boradi. Xarid komissiyaning yig'ilishi uning a'zolarining kamida yarmi ishtirok etgan taqdirda vakolatli hisoblanadi.

12. Xarid komissiyasi ishchi organining vazifalari:

Agentlikning xarajatlar smetasiga tegishli bo'lgan mablag'lar doirasida tovarlar (ishlar, xizmatlar) xaridini amalga oshirish bo'yicha tanlov (tender) o'tkazish uchun Agentlikning tegishli boshqarma va bo'limlari tomonidan ishlab chiqilgan va tasdiqlangan tovarlarning (ishlarning, xizmatlarning) tavsifi, paramaterlari, ularga qo'yiladigan texnik talablar va boshqa tegishli ma'lumotlarini kelishish uchun Xarid komissiyasiga taqdim etish;

Xarid qilinadigan tovarlar (ishlar, xizmatlar) bo'yicha tanlov (tender) o'tkazish to'g'risidagi e'lonni maxsus axborot portaliga joylashtirish;

Qonunda belgilangan muddatda e'lon bo'yicha kelib tushadigan takliflarni jamlash va ulardan eng maqbul yetkazib beruvchini tanlab olish uchun Xarid komissiyasiga kiritish;

Agentlikning tegishli login va parolidan foydalangan holda maxsus axborot portali orqali elektron davlat xaridlarini belgilangan tartibda amalga oshirish.

13. Xarid komissiyasi kotibi:

Xarid komissiyasi kotibi Xarid komissiyasi faoliyatini tashkil etishga doir hujjatlarni yuritish uchun mas'ul hisoblanadi;

Xarid komissiyasi o'tkazilishini tashkil etishni ta'minlaydi (zalni tayyorlash, majlis qatnashchilarini ro'yxatga olish, bayonnomani yuritish va boshqalar);

Xarid komissiyasi majlisi bayonnomalari va tayyorlangan hujjatlarni Xarid komissiyasi raisi va a'zolariga imzolash uchun kiritadi;

Xarid komissiyasiga taqdim etilgan hujjatlarni muhokama qilish jarayonida bildirilgan e'tiroz va takliflarni inobatga olgan holda, Xarid komissiyasi qarorlari hamda qabul qilingan hujjatlarni qayta ishlab chiqadi;

Xarid raisi va a'zolari so'roviga asosan Xarid komissiyasi qarorlari bajarilishi bo'yicha ma'lumotlarni taqdim qiladi.

Kotib o‘z vazifasini bajarishga imkonni bo‘lmagan hollarda Xarid komissiyasi raisi tomonidan uning vazifalari Xarid komissiyasi a’zolaridan biriga yuklatilishi mumkin.

14. Muayyan bir davlat xaridini amalga oshirish Xarid komissiyasi a’zolarida davlat xaridi ishtirokchisi bilan manfaatlar to‘qnashuvi mavjudligini ko‘rsatuvchi holatlar aniqlangan taqdirda, bunday a’zoning ovozi mazkur masala bo‘yicha ovoz berish natijalaridan chiqarib tashlanadi.

15. Mazkur Nizomning 14-bandida ko‘rsatilgan shaxslarni Xarid komissiyasi tarkibiga kiritilishining oldini olish Xarid komissiyasi a’zolarini rad qilish va o‘zini o‘zi rad qilish yo‘li bilan amalga oshiriladi.

16. Mazkur Nizomning 14-bandida nazarda tutilgan shaxslar Xarid komissiyasi tarkibiga kiritilganligi aniqlanganda Komissiya raisi bunday shaxsni muayyan xaridni o‘tkazgunga qadar rad etish haqida qaror qabul qilishi shart. Komissiya a’zosini rad etish haqidagi qaror yozma shaklda rasmiylashtiriladi va rad etishga asos bo‘luvchi holatlar haqidagi ma’lumotlarni o‘z ichiga olishi lozim.

17. Ushbu Nizomning 16-bandida nazarda tutilgan qaror qabul qilingan taqdirda, shuningdek Xarid komissiyasi a’zosini o‘zini o‘zi rad qilgan taqdirda yoki rad etish to‘g‘risida qaror qabul qilingan taqdirda Komissiya a’zosini ma’lum xaridlar bo‘yicha Komissiya yig‘ilishlarida qatnashishga xaqli emas.

18. Xarid komissiyasi a’zolarida ishtirokchilar bilan shaxsiy manfaatli aloqalar mavjud bo‘lgan taqdirda, xarid komissiyasining bunday a’zosini bu masala ko‘tarilgan majlisda o‘zini o‘zi rad etishi va mazkur masala bo‘yicha ovoz berishda ishtirok etmasligi kerak. Bu haqda bayonnomada qayd etiladi.

19. Mazkur Nizomning 12-bandida nazarda tutilgan kvorum mavjud emasligi tufayli Xarid komissiyasi a’zosini vaqtincha almashtirish zarur bo‘lganda Xarid komissiyasi a’zosini vaqtincha almashtirish haqidagi qaror Xarid komissiyasi majlisi bayonnomasiga tegishli ma’lumotlar kiritilgan holda rasmiylashtiriladi.

4-bob. Xarid komissiyasi va a’zolarining huquq va majburiyatları

20. Xarid komissiyasi quyidagi huquqlarga ega:

a) tanlov ishtirokchisidan uning malakaviy talablarga muvofiqligini tasdiqlovchi dalillarni hujjat shaklida taqdim etilishini talab qilish;

b) o‘z qarori bilan quydagilarga asosan tanlov (tender) ishtirokchilarini tanlovda (tenderda) ishtirok etishni davom ettirishdan chetlatish va ularning takliflarini ko‘rib chiqishni davom ettirmasdan qaytarib berishi mumkin:

Insofsiz ijrochilar yagona reestrda tanlov ishtirokchilari haqidagi yozuvlar aniqlanganda;

tanlov ishtirokchilarida soliqlar va boshqa majburiy to‘lovlardan qarzdorlik mavjudligi aniqlanganda;

tanlov ishtirokchisida qonunchilikni buzadigan tarzda adolatsiz raqobat ustunligi yoki manfaatlar to‘qnashuvi bo‘lganda;

v) xarid tashabbuskori, tashkilotchisi, ixtisoslashtirilgan tashkilotdan ko‘rib chiqilayotgan masalalar bo‘yicha har qanday ma’lumot va hujjatlarni so‘rab olish;

g) tegishli organlar va tashkilotlardan xarid ishtirokchilarining xarid haqidagi hujatlarda belgilangan talablarga muvofiqligini aniqlash uchun zarur ma'lumotlarni belgilangan tartibda so'rab olish;

d) tender/tanlov ishtirokchilariga u yoki bu taklifni rad etish sabablarini tushuntirib berish. Bunda takliflarning narx va ishlarni bajarish muddati bilan birga mazmunini o'zgartiradigan tushuntirishlar berilishiga yo'l qo'yilmaydi.

21. Xarid komissiyasining a'zolari quyidagilarga majbur:

uzrli holatlardan (vaqtincha mehnatga layokatsizlik, xizmat safari va boshqa sabablar) tashqari Xarid komissiyasining majlislarida shaxsan ishtirok etish;

qonunchilikda belgilangan tartibga muvofiq xaridlarga tayyorgarlik ko'rish va o'tkazish tartib-taomillariga rioya qilish;

tanlov ishtirokchilarini tekshirish bo'yicha zimmasiga yuklangan vazifalarni bajarish;

agar tanlov ishtirokchisi tomonidan biron-bir harakatni sodir etishga, qaror qabul kilishga yoki tanlov savdolarini o'tkazish jarayonida buyurtmachining muayyan bir xarid qilish tartib-taomilini o'tkazishga ta'sir qilish maqsadida buyurtmachining hozirgi yoki avvalgi xodimiga yoki Xarid komissiyasining a'zosiga har qanday ko'rinishdagi mukofotni, ishga qabul qilish haqida taklif yoki qimmatbaho ashyo yoxud xizmatni taqdim qilsa yoki taqdim qilishga rozilik bersa, bevosita yoki bilvosita taklif qilganda darxol Xarid komissiyasi raisiga hamda korrupsiyaga qarshi kurashish Komplaens nazorati xizmatiga xabar berish;

tanlov ishtirokchisi takliflarida O'zbekiston Respublikasining normativ-huquqiy hujatlarida belgilangan talablarning, savdo obyektining tanlov hujatlarida qayd etilgan shartlarning buzilishi aniqlanganda yoki tanlov ishtirokchisi qayta tashkil etish (ajratish, qo'shish), tugatish yoki bankrotlik (mol-mulkini xatlash) jarayonida bo'lganda, shuningdek, noto'g'ri axborot taqdim etilganda ishtirokchini tanlovdan chetlashtirish choralarini ko'rish;

komissiya a'zosi – ta'sis hujatlari, moliyaviy jihatdan qatnashish, xolding yoki boshqacha shaklda tanlov ishtirokchilari bir-biriga tashkiliy-huquqiy yoki moliyaviy jihatdan bog'liq bo'lganda o'zini o'zi rad etish;

o'z vakolati doirasida xolisona qarorlar qabul qilish.

22. Xarid komissiyasi kotibi tashkiliy-texnik tavsifdagi funksiyalarni bajaradi, jumladan, Komissiya a'zolari tomonidan imzolanadigan bayonnomalarini yuritadi, Komissiya a'zolariga Xarid komissiyasining navbatdagi majlisi haqida avvaldan xabar beradi, mazkur Nizomning 7-bandida belgilangan hollarda mavjudligi yoki mavjud emasligini o'rganadi va bu haqda komissiya yig'ilishida ma'lum qiladi.

Xarid komissiyasi majlisida Xarid komissiyasi kotibi ishtirok eta olmaganda uning funksiyalarini Xarid komissiyasi raisi tomonidan tayinlangan Xarid komissiyasi majlisida hozir bo'lgan a'zolaridan biri bajaradi.

23. Xarid komissiyasi tomonidan o'z vakolati doirasida qabul qilinadigan qarorlar barcha ishtirokchilar uchun majburiydir.

5-bob. Xarid komissiyasi ishini tashkil etish

24. Xarid komissiyasi o'tkazilayotgan tanlov (tender) savdosi doirasida tanlovga (tender) oid takliflarni tayyorlash muddati haqida qaror qabul qiladi va takliflarni qabul qilishning so'nggi muddatini belgilaydi. Xarid komissiyasi tanlovga oid takliflarni taqdim etish muddatini uzaytirish haqida qaror qabul qilishi mumkin.

Bunda takliflarni tayyorlash muddati maxsus axborot portalida va boshqa ommaviy axborot vositalarida birinchi e'lon berilgan paytdan boshlab o'n kundan kam bo'lmasligi kerak.

25. Xarid komissiyasi tanlov ishtirokchisi tomonidan kiritiladigan tanlovga oid takliflarni kiritish tartibini, xajmini va kafolat turini (zakalat yoki bank kafolati) belgilaydi.

26. Majlis o'tkazilgan sanada bir davlat xaridi bo'yicha qiymati bazaviy hisoblash miqdorining besh ming baravaridan kam miqdordagi tovarlarning (ishlarning, xizmatlarning) davlat xaridi bo'yicha Xarid komissiyasining qarorlari Xarid komissiyasining sirdan o'tkaziladigan majlisida, qiymati bazaviy hisoblash miqdorining besh ming baravaridan ortiq miqdordagi davlat xaridi bo'yicha xarid komissiyasining qarorlari esa Xarid komissiyasining faqat yuzma-yuz majlisida qabul qilinishi mumkin.

27. Xarid komissiyasi ishtirokchilarga tanlovda qatnashishga ruxsat berish haqidagi masalani hal qilish maqsadida ular tomonidan taqdim etilgan materiallar asosida ishtirokchilarning malakaviy tanlovini o'tkazadi.

Bunda quyidagi ishtirokchilarning tanlovda qatnashishiga yo'l qo'yilmaydi va bu haqda tegishli qaror qabul qilinadi:

Qayta tashkil etish, tugatish yoki bankrotlik jarayonida bo'lgan;

Agentlik bilan sud yoki arbitraj orqali nizolashayotgan;

Insofsiz ijrochilar yagona reestrida bo'lgan;

Soliqlar va boshqa majburiy to'lovlardan qarzi bo'lgan;

Xarid komissiyasining boshqa tijorat va moliyaviy ko'rsatkichlari bo'yicha talablariga javob bermaydiganlar.

28. Xarid komissiyasi tanlovga oid takliflar bo'lgan konvertlarni ochish, ularni ko'rib chiqish va maxfiylikka rioya qilingan holda saqlashni belgilangan tartibda amalga oshiradi.

29. Xarid komissiyasi tanlovga oid takliflar bo'lган konvertlarni ochish vaqt va joyini belgilaydi. Tanlovga oid takliflar bo'lgan konvertlarni ochish Xarid komissiyasi majlisining o'zida kollegial tarzda amalga oshiriladi.

30. Xarid komissiyasi tanlovga oid takliflarni ko'rib chiqish muddatini belgilaydi. Tanlov ishtirokchilarining takliflarini ko'rib chiqish va baholash muddati takliflarni taqdim etish muddati tugagan paytdan boshlab o'n kundan oshishi mumkin emas.

31. Xarid komissiyasining majlislari yuzma-yuz yoki sirdan (so'rov orqali, barchaning ishtirokisiz) o'tkazilishi mumkin. Yuzma-yuz majlislar konferensiyalar (videokonferensiyalar va hokazo) shaklida o'tkazilishi mumkin.

32. Xarid komissiyasi kelib tushgan takliflarni to‘g‘ri kelishini bat afsil o‘rganish va xulosa tayyorlash maqsadida Xarid komissiyasi a‘zolari, Agentlik mutaxassislarini orasidan ishchi guruh tuzishi mumkin, shuningdek, zarurat bo‘lganda manfaatdor Vazirlilik va idoralarning mutaxassislarini jaib qilishi mumkin. Komissiya tanlovga oid takliflarni baholash uchun ekspert va maslahat beruvchi tashkilotlar vakillarini jaib qilishi mumkin.

33. Xarid komissiyasi tanlov savdosi g‘olibi va zaxiradagi ishtirokchilar, shartnomani imzolash muddatlari haqida qaror qabul qiladi.

34. Xarid komissiyasi tanlovga oid takliflarni baholashni va Xarid komissiyasi tomonidan o‘rnatilgan mezonlar asosida g‘oliblarni aniqlashni amalgalashiradi. Taqdim etilgan tanlovga oid takliflarning qo‘sishimcha texnik, tashkiliy va tijorat ustunligi, shuningdek, tanlov ishtirokchisining nufuzi inobatga olinishi mumkin.

35. Xarid komissiyasi taqdim etilgan konvertlarning butunligi va saqlanganligini tasdiqlash va tanlov savdosini o‘tkazish tartib-taomilining shaffofligini ta’minalash maqsadida konvertlarni ochish jarayonida tanlov ishtirokchilari vakillarining hozir bo‘lishi haqida qaror qabul qilishi mumkin.

36. Xarid komissiyasining barcha qarorlari Xarid komissiyasi majlislarida Xarid komissiyasi a‘zolarining oddiy ko‘pchilik ovozi bilan qabul qilinadi. Ovozlar teng bo‘lib qolganida Xarid komissiyasi raisining ovozi hal qiluvchi bo‘ladi.

37. Xarid komissiyasining barcha majlislari va qabul qiladigan qarorlari bayonnomalar bilan rasmiylashtiriladi. Bayonnomalar Xarid komissiyasining hozir bo‘lgan a‘zolari tomonidan imzolanishi va Xarid komissiyasi raisi tomonidan tasdiqlanishi lozim.

Bayonna Xarid komissiyasi kotibi tomonidan imzolanmasligi, bayonnomaning haqiqiy emas deb topilishiga olib keladi.

38. Xarid komissiyasining har bir a‘zosi Xarid komissiyasining ish jarayonida qaror qabul qilishi shart, qaror qabul qilishda betaraf bo‘lishga yo‘l qo‘yilmaydi. Ovoz berish ochiq tarzda amalgalashiriladi. Yashirin tarzda ovoz berish va Xarid komissiyasining a‘zolari tomonidan o‘z vakolatlarini boshqa shaxslarga berishlariga yo‘l qo‘yilmaydi.

39. Xarid komissiyasi majlislarida tanaffuslarga yo‘l qo‘yiladi. Xarid komissiyasi majlisini bir kun davomida ko‘chirish tanaffus bo‘lib hisoblanadi. Xaridlarning ommaviy tartib-taomilini o‘tkazishda tanaffus e’lon qilishga faqat xaridlar lotlari orasida yo‘l qo‘yiladi.

40. Imkonsiz holatlaridan tashqari Xarid komissiyasi majlisining muddatini boshqa kunga o‘tkazishga yo‘l qo‘yilmaydi.

41. Xarid komissiyasi quyidagi hollarda tanlovni o‘tmagan deb topadi:
tanlovda bitta ishtirokchi ishtirok etgan yoki bironta ishtirokchi ishtirok etmagan taqdirda;

takliflarni taqdim etish muddati tugaydigan kunga kelib tanlov ishtirokchilaridan ikkitadan kam takliflar kelib tushgan bo‘lsa;

kelib tushgan takliflar savdo obyektining tanlov hujjatlari shartlariga javob bermasa;

tanlov ishtirokchilari tomonidan taklif etilgan narxlar tanlov savdolarining eng yuqori bahosidan oshib ketsa.

6-bob. Xarid komissiyasining javobgarligi

42.Xarid komissiyasi ijrochini aniqlash tartib-taomillari davlat xaridlari to‘g‘risidagi qonunchilik talablariga muvofiqligi, o‘zi tomonidan qabul qiladigan quyidagi qarorlarning asoslantirilganligi va xolisligiga, jumladan:

Xarid komissiyasi tarkibida kvorum bo‘lmasdan turib qaror qabul qilganligi;

tanlov ishtirokchilari intellektual mulkining daxlsizligi yoki tijorat siriga bo‘lgan huquqi buzilganligi;

tanlov ishtirokchilarini tanlovn ni o‘tkazish tartib-taomillarida qatnashishdan asossiz chetlatganlik;

yopiq ahamiyatga ega bo‘lgan tartib-taomilga oid masalalar natijalarini ochiq muhokama qilganlik va ko‘rib chiqqanlik, maxfiy axborotni oshkor qilganlik, tanlov ishtirokchilari yoki jalb etilgan mutaxassislar bilan til biriktirganlik, shuningdek, boshqa g‘ayrihuquqiy harakatlarni sodir etganlik;

Xarid komissiyasining ochiq majlisida tanlov g‘olibini aniqlaganlik, tanlov g‘olibini e’lon qilish tartib-taomilini buzganlik, hozir bo‘lmagan tanlov ishtirokchilariga o‘z vaqtida xabar bermaganlik uchun javobgar hisoblanadi.

43.Xarid komissiyasi tanlov (tender) g‘olibini ishtirokchilar orasidan aniqlash tartib-taomillari davlat xaridlari to‘g‘risidagi qonun hujjatlari talablariga muvofiqligi, o‘zi qabul qilayotgan qarorlarning asosliligi va beg‘arazligi uchun javobgar bo‘ladi.

44.Xarid komissiyasi davlat xaridlarining boshqa subyektlari tomonidan amalga oshiriladigan harakatlar uchun javobgar bo‘lmaydi.

7-bob. Yakuniy qoidalar

45.Qonunlar va boshqa normativ-huquqiy hujjatlarning buzilishida aybdor bo‘lgan xarid komissiyasi a’zolari O‘zbekiston Respublikasining qonunchiligiga muvofiq javobgar bo‘ladi.